

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
**DOM NARODA**  
**Komisija za ljudska prava i slobode**

Broj: 02/4-02-9-1586/15  
Sarajevo, 18.11.2015. godine

**DOMU NARODA**  
**PARLAMENTA FEDERACIJE**  
**BOSNE I HERCEGOVINE**

Komisija za ljudska prava i slobode Doma naroda Parlamenta Federacije Bosne i Hercegovine, pored jednog broja predstavki i inicijativa za izmjenu određenih zakona, na 1. sjednici održanoj 18.11.2015. godine, razmatrala je:

- 1. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom,**
- 2. Nacrt zakona o hraniteljstvu u Federaciji Bosne i Hercegovine,**
- 3. Tekuća pitanja**

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

**IZVJEŠTAJ**

- 1. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom**

U općoj raspravi Komisija za ljudska prava i slobode je većinom glasova podržala Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom, konstatovala je da može poslužiti kao osnova za izradu Prijedloga zakona, te predlaže Domu naroda da ga prihvati.

## **2. Nacrt zakona o hraniteljstvu u Federaciji Bosne i Hercegovine**

U općoj raspravi Komisija za ljudska prava i slobode je jednoglasno podržala Nacrt zakona o hraniteljstvu u Federaciji Bosne i Hercegovine, konstatovala je da može poslužiti kao osnova za izradu Prijedloga zakona, te predlaže Domu naroda da ga prihvati.

Na sjednici Komisije za ljudska prava i slobode su prisustvovali i predstavnici USAID- ovog Projekta jačanja institucija vlasti i procesa u Bosni i Hercegovini, kao i predstavnici Udruženja „Prava za sve“.

Predstavnici USAID-a su članovima Komisije za ljudska prava i slobode ukratko izložili osnovne informacije o cjelokupnom procesu rada na Nacrtu zakona o hraniteljstvu i podršci koju su pružili prilikom izrade navedenog Nacrta zakona.

Predstavnici Udruženja “Prava za sve“ su izrazili zadovoljstvo što je prilikom izrade Nacrta ovog zakona posvećena posebna pažnja po pitanju rodne ravnopravnosti i usklađivanja sa Zakonom o ravnopravnosti spolova u Bosni i Hercegovini.

## **3. Tekuća pitanja**

Pod ovom tačkom dnevnog reda, članovi Komisije za ljudska prava i slobode Doma naroda Parlamenta Federacije BiH su vodili diskusiju o načinu uzimanja u razmatranje pristiglih predstavki na adresu Komisije za ljudska prava i slobode i budućem radu.

**Za izvjestioca na sjednici Doma naroda Parlamenta Federacije BiH određen je Edim Fežić, predsjednik Komisije.**

PREDSJEDNIK KOMISIJE

**Edim Fežić**